



## **Universitätsbibliothek Paderborn**

**Talio, Sev Metiens Et Remetiens Mensvra**

**Stengel, Georg**

**Ingolstadij, 1650**

§. 4. Quid fuerit, aut sit lapis oneris?

[urn:nbn:de:hbz:466:1-52346](#)

quasi qui lœdat pedem. Sæpe ergo euenit, vt  
qui lapidem ponit alteri in offendiculum,  
ipse sui doli oblitus in eum incurrat impru-  
dens; immò, vt qua re alium vincere voluit,  
eâ vincatur.

## §. I V.

*Quid fuerit, aut sit lapis oneris?*

Quod vt intelligas, aduerte ex D. Hieronymo, quid à Propheta Zacharia *lapis oneris* Zachar.,  
vocetur. Vetus enim, in Iudea, mos fuit, 12. 3.  
S. Hieronymi adhuc tempore, obseruatus, vt  
in viculis, oppidis, & castellis rotundi lapi-  
des ponderis grauissimi ponerentur, quibus  
sele juvenes exercere solitabant, dum eos  
pro diuersitate virium subleuarunt, alij vs-  
que ad genua, alij ad umbilicum, alij ad hu-  
meros & caput, nonnulli super verticem,  
rectis junctisq; manibus magnitudinem vi-  
rium demonstrantes. Addit, etiam Græco-  
rum morem similem fuisse. Nam se in arce  
Atheniensium, juxta simulachrum Miner-  
uæ, vidisse sphæram æneā ponderis maximi,  
quam ipse pro imbecillitate corpusculi mo-  
uere vix potuerit: cùm autem quæreret,  
quidnam sibi illud vellet? responsū ab vr-  
bis eius authoribus, athletarum in illa mas-  
sa robur comprobari; nec prius ad agonem

quemquam descendere, quām ex leuatione ponderis sciatur, quis cui debeat comparari. Talis lapis in aula quoque Monacensi monstratur, quem cum poëta, partem habet exiguum montis voces, sublatus, gestatus projectus à fortissimo heroe Bauariæ Duce.

## §. V.

*Quid lapis oneris, & laqueus absconditus significat?*

*Qui statuit talem lapidem proximo suo incertamen, & virium certamen, offendet inquit, quia si videat, quod tollere eum alter non possit, inueniet se ipsum imparem, ad eum tollendum. Nihil est frequentius, quām vi alios contemnamus ob laborem, quem fugiunt, vel excusant, cūm tamen eum ipsi perferre non possimus. Quo in genere super-*

*Matth. 23. riores sāpe peccant. Dicunt enim, & non faciunt. Alligant enim onera grauia, & imponabilia, & imponunt in humeros hominum: dīgito autem suo nolunt ea mouere: & sāpe non possunt. Itaque, si sorte mutata, eadem facere jubeantur, tunc demum in lapidem offendunt, quem ipsi alijs posuerunt; & lapis oneris ostendit illis suam imbecillitatem, qui infirmitatem aliorum agnoscere noluerunt. Tertia similitudo est. Qui laqueum alijs*

*Eccli. 27.  
29.*